



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Victoria V. & M. 23. Decembris.

**urn:nbn:de:hbz:466:1-42032**

flammis cum tribus filiis astris inferta. Hæc Helenâ magis propitia navim ad litus appulit. Sed hem in portu alia tempestas insurgit! ANASTASIA tribus palis alligata igne exuritur; socia turba omnis per diversa supplicia fortes animos expirat, eâ in vultu & oculis lætitiâ, ut ad nuptias ire omnes dixisset. Et ibant, sed Agni; ituri porro, quocumque hic iverit, quid? quod vestigia sua, quò nos etiâ sequi sciremus, sanguine signarunt. *Ex Metaphr.*

*Contra mortifera blandimenta luctemur, scientes in eo quotidiana martyria Christianis deesse non posse. Si enim castitas & veritas & justitia Christus est; sic & ille, qui eis insidiatur, persecutor est; & qui ea in aliis defendere, & in seipso custodire voluerit, Martyr est. S. August. serm. 250. de Temp.*

S. VICTORIA V. & M. 23. Decembris.

**N**Empe nuptias VICTORIA parabat, nihil magis sollicita, quàm ut ad easdem abhorrentem Anatoliam impelleret. Agebat itaque nuptias primos homines celebrasse, DEO ipso paranympho. Easdem sacrosanctas ab omnibus gentibus, etiam Christianis, habitas esse. Christum nuptias adiisse & miraculo probasse; ipsum aded despondere sibi Ecclesiam voluisse. denique quid liberis & nepotibus dubitaret orbem implere, quando, ut hic cresceret, DEVS imperasset? Contrâ pugnat Anatolia, in primâ mundi ætate hæc locum habuisse, cum juvenem hunc crescere & impleri inquilinis opus erat. At nunc incolas non tam orbi quàm celo deesse. Christum non nisi è Virgine voluisse nasci, vivere morique virginem voluisse, sponsum Ecclesiæ non nisi Virginis esse.

Neque

Neque verò se nuptias respicere, modò sponfus Deus esset. Videret ipsa, an hic terræ filio postponendus esset? Nuper aded se ex Angelis didicisse (& didicerat) dotem huic unicè virginitatem placere, Eois lapillis omnibus chariorem. Itaque in hunc amores suos se transtulisse. Quòd si invideret VICTORIA, partam seesse etiam illi hunc conciliare. His & similibus dictis jam dudum parili amore VICTORIA in Christum ferebatur. Quò ergo cum sibi devinceret, misso homine dotem in paranymphos pauperes profundit, & in exilium acta ad alteras jam nuptias se parat. Iamq; unica purpura nuptialis deerat, Bonum factum: dedit hanc sanguis pro sponso fusus. *Ex Adone & Adelmo.*

*Amor rerum terrenarum viscum est spiritualiū pennarum. Ecce concupisti, haesisti. Quis dabit tibi pennas ut columba? quādo volabis? ubi verè requiescas, quādo hic, ubi malè haesisti, perversè requiescere voluisti?* S. August. serm. 33. de verb. Dom.

S. NICOLAVS MILES, 24. Decembris

**H**anc militum ego periculosissimam pugnam puto, quam cum castitatis hoste Amore pugnant. Nam huic succumbere, quid aliud est quàm triumphos suos vendere? NICOLAO nostro crede, qui cum in Bulgaros movit Nicephori Imp. auspiciis, ecce priusquam bellum hostis faceret, militi mulier fecit hospitis filia. Ter impetum in castissimum fecit; sed ter NICOLAVS repulit verecundiæ umbone tatus. Poterat ergo ante pugnam victoriam canere, solus ex omni exercitu Nicephori victor. Etenim sub noctem somnus NICOLAVM in campum producit; videt stantes utrinq;